

Pa Roj Nitrous Oxide

California Dental Association

RHAIS MUS KAUI RUAM TOM NTEJ UA KE

Pa roj Nitrous oxide (N₂O), uas puav leej tis npe hu ua “pa roj ua kom luag,” yog ib hom pa roj uas txuam muaj pa oxygen nrog, uas qee zaus kuj siv thaum kho hniav kom tsis txhob muaj kev ntshov siab. Nws tsis muaj kob dab tsi los yog tsis tsw dab tsi thiab tsis ua kom muaj kev txob ib ce hlo li. Cov pa roj no ua rau kom tus neeg kaj siab thiab ib ce ntaug taus. Vim neeg tiv taus, ua hauj lwm ceev, tim rov qab tau, thiab ntsuas kom haum siv tau, thiab tsis muaj kev ua tsis haum cev, xam pom tias cov pa roj nitrous oxide/oxygen yog hom tshuag loog zoo siv kho hniav. Ib tug neeg uas tau muab cov pa roj nitrous oxide rau nws yeej tseem teb tau cov lus nug los yog ua tau li hais.

Txawm hais tias feem neeg coob yeej tsis pom muaj tej teeb meem tshwm sim dab tsi los ntawm cov pa roj no los qee cov neeg yeej pom muaj thiab. Yuav muaj teeb meem tshwm sim yog hais tias cov pa nitrogen tov muaj ntau tshaj txuam nrog cov pa roj lawm los yog nqus tau cov pa roj nitrous oxide ntau dhau heev. Cov teeb meem tshwm sim muaj xws li xeev siab los yog ntuav, mob taub hau, tsaug zog heev thiab/los yog tawm fws los yog hnov no tshee na. Cov kev mob taub hau muaj yog hais tias ib tug neeg lam tsis muaj pa oxygen mus luv kawm li tsib feeb tom qab muab cov pa roj nitrous oxide kaw lawm. Cov pa oxygen yuav pab yaug tawm cov pa roj hauv cov ntsws thiab tsa kom tus neeg tsim thiab meej pem rov qab. Cov neeg uas hnov tsis xis nyob thaum tso cov pa roj nitrous oxide rau nws yuav tsum tau qhia rau tus kws kho hniav tam sis.

Yeej pom zoo kom noj khoom tsawg tsawg ua ntej yuav mus ntsib kws kho hniav thiaj li tsis muaj kev xeev siab thiab ntuav yog yuav siv pa roj nitrous oxide. Yeej pom zoo kom cov neeg tsis txhob noj cov puas mov tsau tsau li peb teev tom qab lub sij hawm ntsib kws kho hniav tag. Ntxiv mus, qee cov kev tshawb fawb pom tias yuav muaj feem xyuam rau cov kev siv lub cev thiab kev meej pem mus ntev li 15 feeb tom qab siv cov pa roj nitrous oxide. Cov neeg yuav tsum nug lawv tus kws kho hniav seb thaum twg thiaj li zoo tsav tau tsheb tom qab siv cov pa roj nitrous oxide tag.

Kom tiv thaiv cov neeg ua hauj lwm thiab cov neeg mob uas tsis yog cov siv cov pa roj nitrous oxide, cov khoom ntim cov pa roj nitrous oxide yeej npaj muaj txoj kev ceev pa roj. Txoj kev ceev pab ua kom cov pa roj tsis txhob ntxeem dim thiab tswj kom tib neeg tsis txhob raug cov pa roj.

Thaum xyoo 1986, cov neeg xaiv tsa hauv California tau xaiv muaj Txoj Cai Pom Zoo 65 (Proposition 65) uas yog npaj los tiv thaiv cov pej xeem huab hwm hauv California thiab lub Xeev cov khoom dej haus kom tsis txhob paug muaj cov tshuaj uas yeej paub tseeb tias tsim muaj kab mob qog nqaj hlav (cancer), me nyuam mos tsis xeeb meej thiab lwm cov teeb meem rau lub tsev me nyuam. Txoj Cai Pom Zoo 65 (Proposition 65) yuav txwv cov lag luam kom ceeb toom rau tib neeg ua ntej meej meej thiab ntev tsim nyog ua ntej yuav muaj tej tshuaj uas lub Xeev pom hais tias tsim teeb meem. Twb tau muab cov pa roj nitrous oxide teev ntxiv rau cov npe tshuaj hauv Txoj Cai Pom Zoo 65 (Proposition 65) hauv xyoo 2008, kom rhais muaj cov lus ceeb toom hauv cov lag luam siv cov pa roj nitrous oxide, xws li cov chaw kho hniav. Yog koj cev xeeb tub los yog npaj yuav muaj me nyuam, tham nrog koj tus kws kho mob thiab tus kws kho hniav ua ntej koj siv cov pa roj nitrous oxide.

Xav paub meej ntxiv txog Txoj Cai Pom Zoo (Proposition 65), txuas mus xyuas [California Office of Environmental Health Hazard Assessment](http://oehha.org/prop65/background/index.html) (oehha.org/prop65/background/index.html) and/or [CDAs Proposition 65 Patient FAQs](http://www.cda.org/page/prop_65_faq_for_patients) (www.cda.org/page/prop_65_faq_for_patients).

Nitrous oxide yog yam siv nyab xeeb thiab ua hauj lwm zoo heev los txo cov kev ntxhov siab thaum mus kho hniav. Tham nrog koj tus kws kho hniav CDA kom paub seb cov pa roj nitrous oxide puas yog yam zoo siv rau koj.

800.CDA.SMILE
cda.org